



無量壽經鈔卷第四

盡第四十八願

望西樓沙門了慧述

331027

第二十一、三十二相願初願意者所見土中
或土衆生具四八相或土不具法藏愍念醜
陋衆生選擇此願攝衆生也依此願故衆生
生者皆具諸相不假修得如慧心云相好彼
土生得果報略抄具前引問具足此相爲華開後
將爲前耶答不待華開是生得故問何必四
八不多不少答觀佛經說應佛相云同人相

故迄今亦可余同輪王故云大人相又大論
云佛以三十二相莊嚴身者端正不亂故若
少者身不端正若多者佛身相亂上次諸師
解者感師云三十二相義寂云令具諸相願
比自餘諸師名目雖殊其意大同三解文者
人天者寶積覺經同云菩薩三十二者大弥
陀經云三十二相八十種好比餘譯第中不
說好也

第二十二必至補處願初願意者所見土中

或有佛土菩薩多經十地階次從一至一或
土不然菩薩皆悉超至補處法藏比丘愍諸
菩薩不至補處選擇此願攝菩薩也前對凡
夫發漏盡願今約菩薩立超證願機益雖殊
意趣是同問千手經云我於是時始住初地
一聞此咒超第八地已法華亦有八番增損
如止觀云若是六根淨位進破無明是相似
發若更增道損生亦是證發此約圓教證入
不定輔行釋云相似發證故云相似證發於

證復發故云亦發到次第增道名之爲定若
超證者名爲不定上依此等文設非本願有
如此超若尔今願有何要耶答此土少分彼
土全分不可比校况彼千手但至第八法華
增道多非補處西方不爾生彼菩薩除其願
外悉至補處豈非佛顛難思益耶加之起信
論云或示超地速成正覺以爲怯弱衆生故
或說我於無量阿僧祇劫當成佛道以爲懈
慢衆生故能示如是無數方便不可思議而

實菩薩種姓根等發心則等所證亦等無有
超過之法以一切菩薩皆逕三阿僧祇劫上
依此論文超證多劫俱是方便若論實者皆
經三祇若不依託佛本願者爭速超入等覺
位耶問入初地時證得平等法界之理根無
利鉢如台宗云真修體顯即無差降指初住也若
尔何有願無願別被除取耶答證平等理其
根雖等或依意樂或酬往因有超次別例如
諸佛所證平等願有異也其意樂者釋迦阿

難同時發心阿難常樂多聞故未成佛道釋迦常勤精進故今日成佛今願亦余例而可知以是義故楞嚴先德引此願文即爲意樂不同誠證而立超次不同之義云其往因者如疏記云乃至本門位登無垢不差毫末稱其往因上已法身菩薩尋本緣佛應生界內爲助佛化弘通經典以通經故有然他益由利他故化功歸已自行增進然其機緣有多少故歸已之益亦有淺深由淺深故或有超證

或有次第台宗
一義若準此義以尋本緣可名本願然此菩薩於他方者或容有超今所除者淨土超也云雖有二義初親願文學者思擇又鸞師釋此願文云案此經推彼國菩薩或可不從一地至一地言十地階次者是釋迦如來於閻浮提一應化道耳他方淨土何必如此上如此釋者經歷十地以屬教門超證十地以爲實義若余法藏對應佛教門願報士寶義問一佛所王淨土何有多補處耶答

大論七云問曰若弥勒菩薩應稱補處諸餘
菩薩何以復言紹其位者答曰是諸菩薩於
十方國土皆補佛處上準之可知故略記云
一生補處者或有補處過刹塵劫成佛無期
如文殊等或不久成佛如賢劫諸佛故知但
約斷惑證理隣近妙覺名爲一生不約時分
遠近差別彼土菩薩速成佛者理應往他方
隨緣國土耳上此次諸師解者義寂云令至補
處願玄一云願衆生德滿上此之兩師廣解

一生補處之義恐繁不載欲知往見云澄憲
云一生補處種種義全非此願要除本願者
示現下位義全不叶經意此師總不悟願意
許數此願高勝也留心可思其故者法身菩
薩進道不定或從生身佛邊或於法性土此
中多專可在法性土身相說法俱可勝界內
故然應來界內菩薩聞應佛說法增進此事
可爲希跡陀願力獨殊勝來生彼國菩薩於
此國必至一生補處位豈非最勝願哉法身

大士普現三昧之力一時遍十方淨藏土闈
諸佛說法而於極樂必至增道實是佛願力
奇特也餘佛利益理須似無力歟除其本願
等者此文地住以上菩薩意樂不同誠證也
慧心先德以之證誠住上超次不同義佛願
力實雖余菩薩意樂又不同故留下位不樂
增進之人乍在彼土必不至一生補處也乃至
上已自餘諸師同云補處而未細判又玄一師
從二十一至第三十同名衆生德滿願斯中

憲公其義甚深但身土相不同宗家三解文
者諸菩薩者分陀利莊嚴同云衆生今菩薩
者唯限地上不通三賢至下可知一生等者
指等覺生名曰一生故華嚴云一生補處住
灌頂位灌頂位者或第十五地或等覺故又法華云餘有一生
在當得一切智已自在所化者是指菩薩化
物之德名曰所化以次下云爲衆生故被弘
揚鑑者如法華者或云當著忍辱鑑或云被
精進鑑所辭不定今辭悲願入迷情陳可被

大悲擔願鎧故遊諸佛國者靜照云文有二
意一者從他方遊諸佛國由本願故雖至極
樂不至補處二者從法身地遊諸佛國已菩
薩行者六度等也下去亦余超出等者問爲
補處德將約所除答舉補處德謂依佛力超
越常人所逕十地故然憍興云常倫者即凡
夫之屬故諸地亦初劫之地已此釋意者超
出三賢一僧祇劫證入初地名補處歟然看
經文所除菩薩必是地上有願故除若無願

者必可攝之令至補處以之準知所取菩薩
亦是同位等行大聖又大乘補處常約因滿
今願補處何違常途問地上菩薩自然流入
薩婆若海佛何悲傷捨凡入聖大事因緣佛
最可利上上品益即其義也苔地上雖有自
然之義而於七地有大怖畏佛何不愍如論
註云菩薩於七地中得大寂滅上不見諸佛
可求下不見衆生可度欲捨佛道證於實際
余時若不得十方諸佛神力加勸即便滅度

與二乘無異若往生安樂見阿彌陀佛即無此難已以此義故攝大聖時有此願也捨凡入聖攝凡願益非全願意彼上品益未名補處不足爲證普賢德者在華嚴經如序分引此十大願非局自願總發一切菩薩大願有誰菩薩不修習之普賢有二一理普賢如理趣分云一切有情皆如來藏普賢菩薩自體遍故理趣經
全同二事普賢如法華云普賢菩薩以自在神通力乃從東方來普賢經云普賢

菩薩乃生東方淨妙國土上今此願文就事爲言問普賢爲是法藏已前若尔何故久居因位答大智門時新新成佛大悲門日永不成佛如觀音等云

第二十三供養諸佛願初願意者所見土中或士菩薩遍供諸佛或士不能自在供佛法藏愍念於供佛行未得自在之菩薩故選擇此願攝菩薩也案起信論解行發心之中不說供養諸佛證發心文始說一念供養十方

一切諸佛，然而觀經上中上下於三賢位，歷事供養，十方諸佛非佛力者解行菩薩，豈一食頃自在供養無數佛耶？次諸師解者義寂云：「令奉遍侍諸佛願，慄興云承力供養願。」已自餘諸師名目雖異，承事供養之義大同。又澄憲云：「上神境通願中於一念頃下至不能超過百千億那由他諸佛國。」云與今願有何別？答上衆生自力下教主加被是爲差別。又問以自力，一念至無量佛土理須供養，又蒙

佛力供養，佛供佛是同別時可供養歟？一時之中兼二義歟！答上只顯身通力用一念超過德爲事。未云供養今別顯供養之德也。差別顯然不須疑問。至諸凡夫生彼土忽蒙佛力，一念供養無量諸佛，豈非勝願乎？但既云菩薩若不令被初生凡類歟？可思之上三解文者國中菩薩者問爲是何位？答難知忍三賢歟十地自有供佛德故不勞佛願或復可通十信位歟？問莊嚴經云所有衆生悲華分施利同

之又小經云其土衆生供養他方十方億佛
略抄何局菩薩答諾譯之中此經爲正本願分
別專應依之四十八願所對各別攝菩薩時
始有此願非對一切以益互通不可亂於所
被機分故小經文不關此願若是神通之所
致歟然觀經中三賢供佛正當此願一食頃
者寶積經云每日於晨朝供養乃至即以食前
還到本國覺經云日未中則還大殊陀經同之悲華
云亦一食頃供養於佛於食頃還悲分陀利同之今

願文略還本國也

此願可令布施功德也

第二十四供具如意願初願意者所見土中
或土菩薩雖欲供佛不得供具如常啼等或
土菩薩供具如意法藏愍念無供具而不遂
心願選擇此願攝菩薩也言供具者依願成
熟及莊嚴經香華音樂幡蓋四事以此等具
供養諸佛而植德本但覺經云諸菩薩欲飯
時則七寶盆中生自然百味飯食在前食已
金皆自然去大殊陀經同之此說自身飯食如意非

今願歟然而義寂引彼證此若通自供供他
二歟更可思擇次諸師解者義寂云所求供
養具如意願清淨覺經云如前所引自餘諸師名
目雖異其意大同云三解文者現其德本者
如玄一云其所求名華香等之供養具名爲
德本以衆功德由供養而起故言德本彼安
樂國菩薩隨樂現前供養之具若不余者不
取正覺又澄憲云持本土供具如意供養他
方猶爲勝況在諸佛前現自福力得所欲供

具哉已上兩師少別在文可見

第二十五說一切智願初願意者所見土中
或土菩薩雖能說法未順佛智或土菩薩順
入佛智說一切智法藏愍念淺智偏說選擇
此願攝菩薩也彼土風俗水鳥樹林皆悉說
法是則爲令新生人天增進佛道依報尚尙
况正報是故菩薩必可說法說法若不順佛
智者定有違失故發此願而已澄憲云尋云
極樂教主現轉法輪音聞一國彼土衆生不

此願亦可合論才于八種德

依願成就文

遠聽法何隱菩薩又說法乎答試決之能化
說法實遍一國菩薩說法然何有妨水鳥樹
林猶唱法音聞者得益釋尊在世聲聞菩薩
處處說法是則機緣無定佛亦許之極樂如
此近佛邊者聽佛說法遠住之輩相從菩薩
經行遊戲何不說法是然化主鑒機聽之菩
薩趣緣化之抄略次諸師解者義寂云說一切
智如佛願清淨覺經云我國諸菩薩說經行
道不如佛者我不作佛真源大同悞興云說法慧

勝願約能說玄一云演說一切智之境故悉
演說證不二理甚深般若此師似限初智自餘諸師
大都不出寂興之意今依寂意三解文者菩
薩者大弥陀云菩薩羅漢悲分陀利云衆生
問何位菩薩答叵知或可地前所以者何地
上菩薩分證法性設無佛願應說佛智何發
此願如地前者未證中道雖然說法不順佛
智只乘佛願順入佛智以順入故說一切智
全同地上故寶積云說諸法要不善順入一

一切智者不取菩提莊嚴經云成就一切智慧
善談諸法秘要之義已徂今經中舉所顯能
而已或復可通七地已前此之菩薩未證淨
心故發此願令彼同於淨心說法一切智者
問爲是三智中一切智者不忝揔指佛智名
一切智故大彌陀經云說經行道皆如佛覺
既云如佛如來說法豈限初智又悲分陀
利云皆說佛藏悲華又大般若說一切智智
云一切智道相智一切相智云三智揔名一

一切智者即是佛智今單智者從略言也澄憲
云一切智之言未審定道理不必三智之中
一切智歟寂師所引清淨覺經文說法行道
不如佛者云佛何一切時說初智哉已問三
智體何答大論二十七云道種智了切諸
道一切智了諸法總相一切種智了諸法別
相又一切智是二乘事道種智是菩薩事一
切種智是佛事又理趣分疏云觀空性智名
一切智即正體智觀有智中分之爲二一觀

無漏道名道相智二觀所餘法相相者相狀
差別之相即後得智此智觀無漏道名道相
智觀所餘法名一切相智一切種智分爲二
故上

第二十六那羅延身願初願意者所見土中
或土菩薩身力堅固能持心力或土菩薩不
具身力故非容持大心力器法藏愍念不具
身力選擇此願攝菩薩也夫有情身執受色
故色心相依不離而住身有苦樂心必憂喜

心有憂喜身有損益隨心力分亦有色力身
心二力若不齊者豈有相持乎如俱舍云大
德法救說諸如來身力無邊如猶心力若異
此者應不能持無邊心力上彼土菩薩亦復
如是依佛願故具佛心力願是也若無身力
難持心力故有此願靜照云一切智智須依
勝身即是法身或是生身不可破壞上問如
來二力若齊同者何故婆沙云心力雖無喪
退身力即有喪退耶答二力雖等異然果報

先業所感故有襄退問淨土身力亦可然耶
答彼士不余佛願力故次諸師解者感師云
得那羅延力義寂云令得堅固身願金剛取
其體堅那羅延取其力固彼士菩薩體力堅
固不可破壞慄興云身得堅固願已自餘諸
師大都亦同又澄憲云上悉成滿三十二相
備此相人身力不可如凡人輪王獨覺大覺
身力皆殊勝展轉相勝蓋是身備相好故也
然別立此願者何心哉答三十二相中以身

力體堅不爲其數故別立此願數已三解文
者菩薩者即是未證淨心菩薩地前及以
七地已前又
悲分陀利云一切衆生金剛等者金中精窄
名曰金剛是則堅密不壞之物以辭體堅異
譯等中闕金剛辭那羅延者此翻勝力亦云
堅窄天真言上力士玄一云然毗紐天等風輪以
辭力固俱舍論云凡象光云凡受用象香象擬戰持用摩
訶諾健那是神名此云大露形鉢羅塞建提亦是神名此云
勝塞建提此云灌伐浪伽亦是神名此云妙支遮怒羅名此云

執持那羅延後後力增前前十倍有說前六十倍增敵那羅延半身之力此力一倍成那羅延已又云有說佛生身力等那羅延有說佛身支節一一皆具那羅延力大德法較說諸如來身力無邊光云上來揔有三說如來身力論主評取法救所說故言於三說中唯多應理已然今願中且舉分喻未必校量問莊嚴經云所有菩薩身長十六由旬得那羅延力一由旬者十丈是也此文不明所化身量可與其土教主

相應例如此土教主丈六所化四肘今何能化所化身量太增太減答諸土行相不必一準不可例難義寂云上來九願能得一切所求滿足功德以衆生所取樂一切能滿足故

已

第二十七所須嚴淨願初願意者所見土中或土衆生所須万物麤惡之少或土人天所須諸物善妙甚多法藏愍念所須麤乏常懷愁憂選擇此願攝衆生也問何以得知是攝

生願既云万物嚴淨極妙知攝生願故寶積
云周遍國中諸莊嚴具大弥陀云今我國土
自然七寶等悲華經云世界莊嚴悲分施同之諸
經皆爲國土莊嚴答文中先舉能須之人而
云人天其万物者人天所須嚴身等具如大
彌陀云所居舍宅被服飲食同成熟丈云華
衣燈火妓樂略抄此等所須名万物也既以万
物被于人天豈非攝生但異譯者舉其所須
而顯能須故不相違次諸師解者義寂云令

物嚴淨願此願能得四種功德謂量形種種
事觸此似屬土然上文云攝衆生法位云願
物絕倫上文云德浦 懷興云攝自土菩薩願又云
光色特妙願智光云殊祕珍彩嚴飭絕妙願
至此一願就人天衆御廟云天人莊嚴深妙
絕妙願靜照云嚴淨無量願釋曰不止身體
須嚴万物真源云万物殊妙願又云万物嚴
淨無稱量澄憲云彼國莊嚴皆翻佛願力四
十八願莊嚴淨土蓋此意也故佛福力無量

所感莊嚴隨無盡也一一光明一一名數實可無限量如彼天帝宮羅網互浮光無齊限自在天子寶女樂聲中又出聲無限量有漏十善所感猶尙無漏方德所現誰辯名數此願惣顯依報國土極妙耳上此中位源憲等之師屬國土願若尙與彼三十二願有何別耶故非所用三解文者分文爲三初舉能須人是則爲標攝生義也次一切下明所須万物於中亦二初明體相勝次其諸下明名數功德之所攝也

多餘文可知義寂云四功德攝如次引今云或是受用功德之攝所以知者大弥陀云飲食自然願成就云飲食盈滿故或亦所求滿足功德之所攝也

第二十八見道場樹願初願意者所見土中或土凡聖不緣道樹以不緣故難得勝益或土凡聖知見得益法藏愍念不見道樹選擇此願攝凡聖也問彼土凡聖皆具神通設無此願何不知見菩提樹乎答如此土教主觀

禮道樹者

成道涅槃之終

西城記

初七日諦觀

圓繞

其德勝故也

極樂亦於依報中道樹最勝雖得神通難
輒知見聞覺知但依佛力如證雲佛樹
高遠也衆生輒不能見極之依如來別願必
知見上綠道樹者六根清徹外證法忍蓋斯
樹德抑亦佛力而已次諸師解者義寂云道
場高勝願此能德三種莊嚴中地功德以最
勝故別說法位云願少德者增上慳興云攝
菩薩願見道場樹願源同之智光云見菩提

無量光色願又云此之一願就一切衆御廟
云菩薩皆共見道場樹願上三解丈者少功
德者問爲是菩薩將爲人天若人天者寶積
經云諸菩薩中有善根劣者若不能知不取
正覺比若菩薩者既云乃至少功德等乃至
之言所表明知菩薩之外況願成就云彼國
人天見此樹者得三法忍上答順後句答如
智光云言乃至者指聲聞衆少功德者即是
人天比凡案道理彼土道樹豈闇人天但異

譯者彼經之中不分凡聖云菩薩等非適今願知見等者知則意知見則眼則今舉初後顯中間四願成就文具說六根云道場樹者依悲華經則菩提樹之異名也案西域云前正覺山之西南行十四五里有畢鉢羅樹佛坐其下成正覺故名菩提樹現諸神變施作佛事準之弥陀坐此樹下成佛道故名道場樹悲華經云於此樹下坐道場時於一念中成阿耨菩提上即其義也高四百万里者諸

譯不同謂寶積云高百千由旬上此與今同所以者何言百千者即十万也西域二云舊傳一踰繕那四十里下云矣印度風俗乃三十里聖教所載唯十六里上依舊傳者十万即是四百万里故不相違然彼經願成就文云高十六億由旬合本願文十五億倍下似前後違或百千者只舉數多不必十万故不相違願成就文又悲華經云縱廣正等一万由旬上言縱廣者東西南北名焉縱廣非高名縱又

悲分陀利云高十千由旬^上量同悲華擴高亦異又莊嚴經願成就云高一千六百由旬^上如是異說譯人見別不須和會問此道樹量與佛身量不相應也答此事難知玄一會云觀經所明佛約他受用門而顯殊勝此經所明樹約變化邊故無相違謂若變化身者短於樹故二云佛德不可思議彼廣長身蔭於一尺樹於佛非難況四百万里者也三云此云四百万里者佛頂已上去佛足量若鑑

佛身相稱之長即是六十萬億那由他恒河沙由旬有餘四百万里也亦可彼佛尺出於所計四百万里已上要集二義此三義中亦可說當初二義第一全同憬興自義第二義似興師所破彼破文云若余所餘宮殿不應各稱其形大小故上今謂初義未盡理也本願之中既有壽光無量之願知非化身何至此願更約化身第三之義亦未了知諸文之中無能別言何恣云約佛頂已上然第二義強無失歟

法體融即故佛事難思故淨名室內誰云不
余經千歲雖千入丈車尺塚見博物誌况佛力耶
又義寂會云佛事難思不可以此情測然以
一途求其相者由旬與里隨方不定乃觀經
由旬仍依此方爲初業習觀說彼佛量故若
不依此方量數如何知佛身大小此中里者
依彼方說此經說觀非爲初業故直依彼數
量而說若不余者如何頂光如合十方恒沙
世界之佛身量而得宿坐一万由旬之樹下

也若固執云四百万里依此方里亦應相好
光一尋者依此間尋便違經說頂光之量是
故不可隨文苟定上今謂此未決定所以者
何下卷經云菩薩光明照百由旬有二菩薩
最尊第一威神光明照三千大千世界上所
言由旬若約彼方有二菩薩光最劣失大千
界者必此方故又說菩薩所散華云其華周
圍四百里者如是轉倍乃覆三千大千世界
比所言里數亦約此方若不余者何次下云

按轉舊次

輪位大千耶加之說彼邊地壽量云五百歲
異譯中云此間五百若余此經所指數量多
約此方道樹數量何定彼方例如慧心以佛
身量證時劫也或明數量若不定者雖非此
經彼亦引證於義不違又靜照會云機見不
同功德淺深不須和會上義寂云地功德攝
今謂知見爲願體故猶是所求滿足攝也

第二十九得辯才智願初願意者所見土中
或土菩薩雖讀經法不得智辯或土菩薩依
讀誦等即得智辯法藏愍念雖疲讀誦不得
智辯選擇此願攝菩薩也澄憲云我等生在
釋尊末法雖值遇若干聖教雖卷舒讀誦全
不解深義不發智慧如虫食木牛聞琴蓋是
不由佛別願任自智力故歟彼國衆生讀誦
經法即得智慧辯才誠竒妙也先發慧次得
辯辯即慧性也無智慧者不可得辯才不可
相離故上問大弥陀云使某作佛時令我智
慧說法行道十倍於諸佛上此約教主與今

相違答餘經同今彼經獨異譯人見別恐難
爲正或推功歸本而約教主歟前義爲正次
諸師解者義寂云受法令得辯慧願懼興云
四辯無礙願上自餘諸師名目雖異其義大
同三解文者菩薩者寶積經云衆生悲華分
施利同之受讀等者五種法師中舉四種而闕書寫
問淨土爲有色經卷耶若言有者穢土在世
尚無色經彼土教主常住說法何有色經若
言無者今願文云受持讀誦寶積經云讀誦

經典知有色經答經文分明有何異義彼土
精華莊嚴無盡於中何無黃紙朱軸彼雖無
闇說有燈火是爲滿足其莊嚴也今亦可矣
設雖在世並有色經有何失耶然此土中多
分雖無少分即有故光記云已上三論佛在
世造已言三論者一集異門足論二法蘊足
論三施設足論準之應知又解彼土不可有
色經卷如來常住而說法故但言讀者未限
向文亦通暗誦故玉篇云讀者誦也沙弥經

疏云誦者讀也。若余今文言讀經者受讀他也。言諷誦者自暗誦也。覺經說此願成就云。諸菩薩悉皆却坐聽經。聽竟則悉皆諷誦通利。上已問何無書寫答準向二義有無可知。辯才筆者即四辯也。謂一法無導解緣能詮法名句文身。二義無導解除名句文緣所詮義三詞無導解緣諸方域種種言詞四辯無導解緣應正理無導說此無滯說名之爲辯及緣自在任運現前定慧二道由有道。

故善應物機能無滯說道是辯因亦名爲辯。云智慧者光云高光決定名智簡擇名慧。上慧與疑俱簡擇推尋諸法理趣乃成疑故智能決定其理趣。故今言智者一切智等之三智歟。

三智之相
如前已弁

第三十智辯無窮願初願意者所見土中或土菩薩雖具智辯有能限量或土菩薩智辯無窮說法自在法藏愍念智辯有限不能窮說選擇此願攝菩薩也。問智辯無窮佛果勝。

德設雖他力因位何具答分得無窮不同佛
果問約對何位而論分得答此義難知準往
生論若是未證淨心菩薩依佛力故與彼淨
心菩薩常轉法輪同歟八地已上自有常轉無始輪德故又
證憲云望餘佛國聖衆就同位等行隨分無
其限量歟已次諸師解者義寂云慧辯令無
限量願諸師大同三解文者菩薩者大弥陀云諸
菩薩阿羅漢已上智辯等者寶積經中但說辯
才大弘陀經單舉智慧此譯者略今經具明

以爲妙說又大弘陀兼舉光明莊嚴經云或
樂說法此舉智辯之作用耳義寂云此二願
得受用功德能令愛樂佛法味故已

第三十一國土清淨願初願意者所見土中
或土依報不清淨故不現十方或土莊嚴清
淨如鏡十方佛刹於中而現法藏欲令國土
清淨選擇此願攝國土也問莊嚴經云所居
佛刹廣博嚴淨光瑩如鏡悉能照見無量無
邊一切佛刹衆生覩者生希有心不久速成

阿耨菩提_{已上既}云衆生觀者成佛知攝生願
故智光屬攝菩薩願答寶積悲華分陀利等
同約國土諸師亦云攝國土願不可異論但
莊嚴經者如鏡見刹是其願體衆生已下因
舉見者得益之相故不相違智光解釋恐難
作用次諸師解者淨影云攝淨土願義寂云
國土光色徹照願此願得妙色功德法位云
願國界嚴淨玄一三十二同名國土嚴淨
懶與云形色功德願智光云淨如明鏡照見

十方願_{卽廟意同}又云就菩薩衆願靜照云土如
明鏡願真源云徹見十方願澄憲云上有天
眼徹視之願是約能見衆生之德今有猶如
明鏡之願理須約國土之德但所願顯現諸
土之相_{乃至顯虛空歟顯地面歟顯宮殿歟顯}
寶樹歟可思之若非此等相徹見他方者與
眼德似無別_已三解文者清淨者彼土莊嚴
皆有光明故云清淨照見十方者問爲以光
緣而見_上十方將爲諸土於光中現故見之耶

答順後句答，例如勢至寶冠中現十方國土。是故今經及寶積經同，辟鏡像悲華亦云。而於中現。悲分施又寶樹觀云，是寶益中映現三千大千世界，一切佛事十方佛國亦於中現。同疏云，四明寶蓋圓明內現三千之界。乃五明十方淨土普現蓋中。上又往生論云，官殿諸樓閣觀，十方無破。同注云，官殿樓閣鏡納十方。上如此等說此願成就以一察万樹。但
觀亦通第四十諸佛世界者，問爲通淨穢，將限一種。

答順前句答，寶樹觀文亦其證也。又見論註可俟次下問。何功德攝？答寂云，妙色興云，形色此當第四形相功德。以此兩師校論，註文其義不然。彼二德中不言，照見十方刹，故今謂地功德攝。如論註云，莊嚴地功德成就者，乃至此莊嚴事如淨明鏡，十方國土淨穢諸相善惡業緣，一切悉現。彼中天人見斯事故，探湯不及之情，自然成就。上已

第三十二國土嚴飾願初願意者所見土中

或有國土所有依報非衆寶之作亦無有妙
香或土依報以衆雜寶而嚴飾之亦帶妙香
法藏欲令國土莊嚴色香具足選擇此願攝
淨土也如證憲云淨土功德彌妙彌奇也其
故者穢土之寶金銀未有妙香沉麝未有妙
色珠玉者只以光爲寶沉檀者只以香氣爲
寶而彼國土莊嚴雜寶而即九香也九香而
即有光暉寶可謂奇妙蓋是洪藏比丘因行
帶清淨光明之上具法界万德之香色香具

足未曾闕減故衆寶具足妙香芬馥聞水樹
之音者皆開悟道理又覩香之人可增妙行
如香積佛土而已上問既云菩薩聞之修行
知攝生願故智光屬攝菩薩願荅色香合成
以爲願體聞者等者舉其香德非顯攝生故
異譯等但說香熏不明聞益智光所解用否
在時間莊嚴經云我所居寶刹所有菩薩以
百千俱胝那由他種種珍寶造作香爐下從
地際上至空界常以無價栴檀之香普熏供

養十方諸佛寶積經云衆寶香爐香氣普熏
已相違如何答異譯參差非適今也况復彼
土莊嚴無量豈無香爐故別舉耳次諸師解
者淨影云攝淨土願寂興同之義寂又云國土嚴
飾奇妙願法位云願宮殿寶飭慄興又云莊
嚴功德顛智光云衆寶妙香合成宮殿願御廟全
云土如明鏡亦須馨香真源云妙香合成願
所有万物百千種香合成記上三解文者大分

爲五初舉莊嚴在處即是地上虛空而闕地
下次官殿下明地空所有莊嚴三皆以下明
一一莊嚴色香具足四嚴節下比校顯勝五
其香下別舉香德第五段中十方等者可通
淨穢香熏不可闇穢土故機緣不可限淨土
故又其香氣雖通自土且舉他土令識自土
菩薩等者或通凡夫機然不可限菩薩故今
文熟勝但舉菩薩義寂云此願得三種莊嚴
功德謂地水空并雨功德性功德無諸難功

德通上諸願得此等諸願能是慈悲善相應故皆能令得無惱樂故上三十二願得國土莊嚴十七種功德竟已此釋意者此之一願得諸功德謂經虛空當虛空功德經宮樓樹當地功德經池流華當水功德經香普熏當雨功德國中万物則正道大慈悲出世善根生故當性功德莊嚴竒妙無違棄事故當無諸難功德也上三已下總結諸難謂上諸願摶攝十七種功德竟

頃

第三十三觸光柔軟願初願意者所見土中或土教主雖有常光未施光攝或土教主無邊光用照益十方法藏菩薩欲以光明攝化十方選擇此願攝衆生也如禮讚云弥陀世尊本發深重誓願以光明名号攝化十方已名号化導指十八願光明攝取指今願也問與第十二有何別耶答摶而言之彼攝佛身此攝衆生是其異也別而言之就彼佛光有三願別謂十二光體十八光名今願光用以

此義故若有稱名之衆生者名體不離而施光用攝取護念行時不捨故禮讚云唯有念佛蒙光照當知本願最爲強往生論云稱彼如來名如彼如來光明智相如彼名義觀經云光明遍照十方世界念佛衆生攝取不捨言不捨者非令念佛行者不退只是拱護行時不捨說名不捨觀念門云彼佛心光常照是人攝護不捨現生護即其義也又十二是緣十八是因今願化益故黑谷云光明之緣名号因因緣和合而蒙攝取不

捨之益故禮讚云若以願行來收非無因緣乃至光明名号攝化十方略當知不捨光益局在念佛別願益故不通餘行黑谷又云因緣和合攝取不捨光明常照不捨信心彌增長衆苦悉消滅臨終之時自來迎接略因緣合時光益如斯因緣若分離不捨益焉在辭如油盡火即滅也問覺經云見我光明莫不慈心作善來生我國不余者不作佛大疏卷同之今何不說往生益耶答此亦不違謂文雖略義

必有故。例如第十九願而已。令機柔軟之本意者。爲往生故。因熟果成必然理。故舉因顯果也。次諸師解者。義寂云。光明攝益願。法位大同 懷興云。蒙光獲利願。玄一云。願光普益智光。云。光明觸身得勝柔軟願。御廟全同 靜照云。光明柔軟願。真源云。觸光柔軟願。澄憲云。光明攝取之文。冥利益也。故人不知之。只仰冥利。如大鵬影覆其子。上已 三解文者。蒙我光明者。寶積。如今是約冥應。大弥陀云。見我光明。覺經同之

是約顯應冥顯雖殊。光益是同。身心柔軟者。準成熟文。三毒消滅得三善根。今柔軟者。且舉無瞋而顯。餘二得此無瞋名。爲心軟。心無瞋者。七支不犯。皆由三毒行 故云。身軟無貪。無癡。準之可知。念佛行者三業惡行。隨分微薄。常懷慚愧。是光照驗。或前五識名。爲身也。超過等者。既得柔軟。豈同常人。義寂云。此願得莊嚴佛功德中。身業功德。上已 此義可余論註。下釋身業功德云。衆生見阿彌陀如來相好。

光明身乃_至身業繫縛皆得解脫已_上此當身轉
全謂亦得心業功德故同註云是諸衆生若
遇阿彌陀如來平等光照若聞阿彌陀如來
平等意業乃_至意業繫縛皆得解脫已_上此當心
轉

第三十四聞名得忍願初願意者所見土中
或土衆生雖聞佛名未得無生或土衆生聞
佛名字即得摠持法藏懸念聞名空過選擇
此願攝衆生也問以聞名力豈得無生答佛

願力故如十住論云過去無數劫有佛号海
德今現在十方各得成正覺皆從彼發願聞
名定作佛上餘諸佛名尚以如此況吾彌陀
有超世願又雖云聞必有起行例如大師釋
次下願聞名而云稱佛名也如彼勢至菩薩
等者念阿彌陀佛此通觀_{五十五菩薩七下四十五願方}入無生忍今亦可然
以念佛故得無生忍非是但聞約凡夫者必
可稱名若許菩薩未必念佛謂聞名者舉所
歸體於起行者應不定故問此願所被爲凡

爲聖若言凡者所得之益既是菩薩法忍揔持能得之人豈下凡耶是故異譯寶積莊嚴皆云菩薩若言聖者揔看願文衆生之言皆被凡夫向至此願忽改詞乎故智光云就人天願比答應是攝凡既於所得云菩薩忍若機法俱是菩薩者豈置能別之言而云菩薩等耶當知凡機得聖法也但異譯者如此相違非適此顛譯者見別不須和會或從入聖後名菩薩也一義云可攝聖願如一邊難但衆生

言通凡聖故菩薩之言簡異聲聞無生智故故不相違云澄憲云問聞弥陀名号得法忍揔持之人何國誰人哉答有機有緣之人得知之不可疑一經其耳衆病悉除亦何士誰人哉五濁惡世無機無益盲者常闇何疑日光乎此義不可限彌陀之願上次諸師解者義寂云音聲攝益願法位云願聞名者得無生忍益玄一已下四願同名名普益願悞興云聞名得益願又云法忍揔持願已自餘諸師

其義大同智光云聽我名字證無生願又云

就人天衆願又云六往生作聖願謂十方界

修善欲生皆使來生而作菩薩與第三十四

願相似上記意同次作遠因故

聞菩薩已無生等者問所得無生在何位耶

答玄一云言無生法忍者初地無生忍言無

生法忍者基云由無法教而起忍可心故言

無生忍也懶法師云無生忍者顯人空智無

生法忍者顯法空智上記法空亦可在地上故

可初地也問莊嚴經云聞我名号證無生忍
成就一切平等善根住無功用離加行故不
久令得阿耨菩提上既云無功用知證第八
地答對于地前指於地上云無功用如妙樂
云前云功用無功用即約地住前後已或初
無生者顯初地也次成就下次第增進至無
功用後不久下至佛果

第三十五女人往生願初願意者所見土中
或有淨土不攝女人或有淨土亦攝女人法

藏愍念重障女人選擇此願攝女人也問第十八願通接男女今何重發答彼法此機更非重發委如前釋大經釋黑各云付此有疑上念佛往生願不嫌男女來迎引接擔即亘男女繫念定生願又然也今別有此願其意云何倩案此事女人障重別不約女人者即生疑心其由者女人過多障深一切處被嫌道宣引經云十方世界有女人處即有地獄加之內有五障外有三從乃至無量梵王更居全

以女身無登高臺閣乃至何況往生哉可疑之故別發女人往生願已上除女人疑而令生信即是此願攝機力也大論四云初僧祇中永離女身已上俱舍論意百劫離女全依願力順次轉女豈非大利問今看願文但云轉女不云往生明知轉女是穢土益故悲華云阿僧祇世界有諸女人聞我名者即得第一信心歡喜發阿耨菩提心乃至成佛終不復受女人之身悲分隨同之依之澄憲云藥師擔願現身

轉女成男法華云盡是女身後不復受弥陀
誓願亦同永捨女身再不復受穢土勝利也
離思趣生善趣初番勝利也捨女質永爲男
子者第二番利也爲男之後修佛道尤難得
而已已答宗家所判既約往生不可不信何
況莊嚴經云一切女人若有貣離女人身者
聞我名号乃即生我刹成男子身大弘陀
同之又覺經成就文云女人往生者則化生皆作男
子大弘陀彼悲華等亦不可違以乃至言含

往生故但憲公釋用否在時次諸師解者義
寂云今離穢形願法位云願女人聞名者得
離女益懼興云遠離譏嫌顛智光云聞名發
心轉女成男願御廟全同靜照云不復女像願真
源云聞名轉女願女人聞名生生不爲女身
已源公意似不許往生若余未了三解文者
觀念法門釋此願云義曰乃由彌陀本願力
故女人稱佛名号正命終時即轉女身得成
男子彌陀接手菩薩投身坐寶華上隨佛往

生入佛大會證悟無生又一切女人若不因
弥陀名願力者千劫万劫恒河沙等劫終不
可得轉女身應知今或有道俗云女人不得
生淨土者此是妄說不可信也已就之有三
初釋此願意次又一下明女難轉三今或下
破妄說也初文亦二先揔標願力次女人下
別明願相於中亦四初明轉女之因聞名之
言雖在此願行體之功在第十八二正命下
明轉女身即今願體言轉女者即往生義生

彼國者永離女身故三弥陀下明轉女之緣
即是指出彼來迎本願依佛迎緣而往生故四
入佛下明生後益問準二十願今聞名者可
是所求何屬去行菩薩豈無轉女成男行因故
含去行天台亦余如十疑云四十八願云設
我得佛十方世界一切女人稱我名号狀惡
女人但此師屬據士轉女凡案諸經雖云聞名必含稱
念如藥師願云聞我名已一切皆得轉女成
男已同願成就云若是女人得聞世尊藥師

如來名号至心受持於後不復更受女身上
即其例也但二十願別說行故通諸行故闡
屬所求問發菩提心即可去行何云無行答
今菩提心可是安心如觀念記
云

第三十六常修梵行願初願意者所見土中
或土菩薩雖修梵行隔生即忘難可相續或
土菩薩梵行相續速至佛果法藏菩薩愍念
梵行退轉菩薩選擇此願攝菩薩也光法師
云三生六十據相續修若有間斷無妨多劫

上準彼思之菩薩三祇若有間斷道場妙果
多劫難成今雖淺位乘佛願力梵行相續正
覺豈除ナラヤ次諸師解者義寂云令立梵行願法
位云願聞名者修行不退益懼興云常修梵
行願靜照全同智光云聞名梵行皆證正覺願御廟
全同真源云聞名梵行願澄憲云女人者是愛
染器也離彼身爲男若不修梵行者何爲不
離婬欲者必定亦可受女身既離女身理專
可修梵行願次第尤有由哉上三解文者諸

佛世界者悲分陀利云願使衆生來生其中
者乃至菩提際常具梵行悲華同之是約自土菩
薩者莊嚴經云聲聞菩薩悲華經云衆生悲
隨利同之聞我名号者準上願意舉聞顯念夫適
得聞至德名号何不都念故非但聞問聞名
功深何無其益尊勝陀羅尼經云諸飛鳥畜
生含靈之類聞此陀羅尼一經於耳盡此一
身更不復受涅槃經云辭如世間有善咒術
若有一聞却後七年不爲一切毒藥所中動

不能蠻第十一是大涅槃亦復如是若有衆生一
經耳者却後七劫不墮惡道已法寶無願尚
以如此本願佛名豈無益耶答非謂聞名無
其功力如觀經云但聞佛名除無量罪即其
義也但今願意非是但聞含稱念也壽終等
者壽終之言以顯多生常修之文以顯相續
雖在穢土逕歷多生梵行相續終成佛故問
若尔何故悲分陀利云願使衆生來生其中
者乃至菩提際常具梵行已上况大師釋次上

壽終之後文屬往生淨土今亦可尔何云穢
土苔此願之意如前已辯異譯之文皆同此
經有何異論但分陀利者經經異說不須和
會次例難考語言雖同其心則異况如生尊
貴家願者壽終之後猶在穢土可例此願梵
行者梵者翻淨淨行之義雖通三學今別指
戒如平地故莊嚴經云聞我名号修持淨戒
堅固不退上已又藥師經云修行梵行一切皆
令得不缺戒具三聚戒已此亦指戒名梵行

也或梵行者離欲行也如憲公釋

第三十七人天致敬願初願意者所見土中
或土衆生雖恭敬禮佛修菩薩行人天不敬還
致輕毀如彼常不輕菩薩也或土衆生禮佛
修道人天悉禮法藏愍念被他輕毀廢退佛
道選擇此願攝衆生也若有衆生聞弥陀名
歡喜信樂一心歸命修菩薩行迴願往生依
佛願故爲諸人天共所敬禮身心安樂佛道
無障如般舟經云持是三昧者爲諸天龍神

皆共讚譽擁護瞻視敬仰思欲相見略抄諸天
如斯此人準知悶苦余者何故法事讚云見
有^其修行起瞋毒方便破壞競生怨上^已人若敬
重何生怨耶荅事讚意者出濁增失然而濁
毋多敬順輩是佛願驗而已次諸師解者義
寂云令成尊德願法位云願聞名修行得他
敬益懷興云聞名得益願又云作禮致敬顛
智光云聞名修行衆所敬重願御廟全同靜照云
人天致敬願釋云雖復聞名而致敬則無

深益乃至上之三願皆應言除不致敬者有此
願故不說除言下之諸願願聞我名字者例
亦余此願意通故真源云聞名敬重願聞彼
佛名一切人天皆敬愛又云聞名信樂得禮
敬已上來諸師其義不同謂寂興釋其文不
明法位智光真源等師聞名行人以為所禮
諸天世人以為能禮是今所用云三解文者
大分為二初舉行者聞名修行次諸天下明
得他敬初文中諸佛世界等者大弥陀經云

令我國中諸菩薩阿羅漢皆各心相敬愛終無相嫉憎者已上此約自土寶積莊嚴皆舉他士亦云菩薩異譯不同不須和會或約果故舉其自土約於因故舉其他土因果雖殊其意互存菩薩行者指六度等故寶積云菩薩苦行已問此中亦有念佛三昧答可有謂万行中之一行故問凡夫豈堪六度行耶答隨分修之不同菩薩或唯念佛名菩薩行大乘行故勿例餘願第二十二及四十四此被凡故問爲聖

道行爲淨土行答案六八願攝凡夫時多約往生今既攝凡豈以聖道行爲得微因乎故大弥陀約彼土說學者思擇廿三

第三十八衣服隨念願初願意者所見土中或土衆生爲衣服故苦勞身心而造衆罪或土衆生自然法衣在身隨念法藏愍念辛苦衣服選擇此願攝衆生也澄憲云娑婆衆生爲衣食盡百種功勞造十惡重罪飼蟹子入鑊湯曳犬頭織機婦練之擣之或染或張裁

之縫之著則易汙汙又難全浣洗而多有煩求索而不易然彼土衣服者淨妙自然也易得難失珠色而奇香隨念即至況如來所讚應法衣服云是則可慚愧哀信樂服可忍塵衣解脫服早生彼土可著其衣上問二十七願亦含衣服今何重發答彼則極妙數多爲體此則生得隨念爲體不可混亂問大論三十四云欲界天衣從樹邊生無縷無織辭如薄冰光明淨有種種色色界天衣純金色

光明不可稱知俱舍論十一云色界天衆於初生時身量周圓具妙衣服比依此等文欲天無營色天生得若余此願全非出過三界果報答鮮衣妙服人間所欲生得天衣欲天所無故對欲界而發此願例如第二願但對壞劫土况彼土寶衣應法妙服乎次諸師解者義寂云衣服自然願法位玄一已下二願同名願人天受樂位又云衣服隨念願真源全同憬興云衣服應念願智光云衣服隨念現前

不整願御廟云衣服隨念自然在身願靜照
云應法妙服願上三解文者國中人天者問
莊嚴經云所有衆生發淨信心爲諸沙門婆
羅門染衣洗衣裁衣縫衣修作僧服或自手
作或使人作作已迴向是人所感八十一生
得最上衣隨身具足於最後身來生我刹上
相違如何答異譯不同不須和會或非今願
歟或往生而願此願益由彼宿因歟隨念即
至者問生得衣上隨願重得耶答寶積經云

所須衣服隨念即至如佛命善來比丘法服
自然在體已如善來者指生所得云隨念至
所著衣服隨念改故非營造故應法妙服者
即袈裟也如悲華云尋於生時著新袈裟悉
施利同之法量三衣名爲應法三衣相等如六物
圖等所明也云心地觀經云袈裟是佛淨衣
永斷煩惱罪業消除猶如良田能普增長菩
薩道故猶如甲胄煩惱毒箭不能害故略抄是
故今云佛所讚也

第三十九受樂無染願初願意者所見土中
或土衆生著刹那樂忘永劫苦或土衆生快
樂不退而無著心法藏愍念著樂衆生選擇
此願攝衆生也澄憲云穢土快樂皆是塵埃
也亦不如意得難失易初樂後苦凡夫著之
猶如塵著膠著始樂不知後苦受少樂又遇
多苦如洗癱而即樂竟齊暫悅何著之何耽
之如彼淨土者受三禪樂無一念著如漏盡
比丘豈不放之乎上一次諸師解者感師云唯

受衆樂義寂云受樂無染願惺興云受樂無
失願智光云常受快樂勝如漏盡願御廟全同靜
照云樂如漏盡願真源云常受快樂願已上三
解文者人天者莊嚴經云所有菩薩已上如漏
盡衆者顯無著樂故寶積云心淨安樂淨言
所表無著義也謂諸羅漢斷盡諸漏於一切
法無著無執故以爲辭聞持記云受三禪樂
無一念著如漏盡比丘已上問成就文云皆得
快樂辭如比丘得漏盡三昧已上相違如何答

亦不相違同無著故禮讚云樂多無廢道者
無著故也

第四十見諸佛土願初願意者所見土中或
土菩薩不如願見十方佛土或土菩薩任願
照見法藏比丘欲令菩薩遂見土願選擇此
願攝菩薩也問與三十一有何差別答異義
不同照公云上如明鏡照見十方穢土今此
中照見十方淨土不可足下而見衆聖功德
莊嚴或彼摠此別憲公云上願摠見諸佛國

士今隨願即見摠別釋當理歟凡此二種願
專似無別其義難辯又云上猶如明鏡之願
未必穢土只可諸佛國土以今淨彼可屬穢
土歟何必介哉已今謂不然上願約國土德
攝淨土故故標國土清淨等矣此願說菩薩
益攝衆生故故標菩薩隨意等也二願水火
不可混亂次諸師解者義寂云隨意得見十
方國土願法位玄一已下九願同名大士獲
益法位又云願照見十方益憬興云普見佛

七願智光云隨意照見十方諸國願御廟同之靜
照云隨意照見願真源云見諸佛土願上諸
師意同三解文者菩薩者寶積經云群生嚴
淨土者問寶樹觀文通現淨穢今但云淨相
違如何答樹觀經釋明通淨穢若尔今文且
從勝云嚴淨土歟復次據全會彼言三千者
指安養界因順穢土故云三千私云異譯等
說皆云淨土故不通穢但樹觀者共論樹德
遍現淨穢觀經約之若論機欲只願見淨故

於樹中照見淨土今願約之故不相違若尔
樹觀即是兩願願成就也學者思擇於寶樹
中者問悲華經云於寶樹下悉皆遙見諸佛
世界上樹中樹下相違如何答有云言樹中
者所現佛土依止所也言樹下者能見衆生
依止所也云又或本云中若尔不違義寂云
此七願隨應揔得餘七功德上今依此釋校
論註文第三十四願當口業功德即註上釋
口業功德云我成佛妙聲遐布聞者悟忍同

下卷云衆生聞阿彌陀如來至德名号說法
音聲_乃_至口業繫縛皆得解脫_已六願六德未
知別屬若是摠不虛作住持功德攝歟即論
偈云觀佛本願力遇無空過者註上釋云使
我成佛時值遇我者皆速疾滿足無上大寶
同下卷云不虛作住持者依本法藏菩薩四
十八願今日阿彌陀如來自在神力_乃_至力願
相符畢竟不差故曰成熟上但二師意未必
可同今且以彼合此許也

第四十一諸根具足願初願意者所見土中
或土菩薩雖行佛道未離諸根缺陋之報或
土菩薩雖居淺位而備諸根完具之德法藏
愍念根缺之難選擇此願攝菩薩也諸根不
具八難隨一他方菩薩誰不厭耶案俱舍禁
第三僧祇猶有諸根缺陋之障況其餘耶今
依佛願乍在淺位永離根缺豈非大利次諸
師解者義寂云聞名令得端嚴報願法位又
云願諸根具足益懷興云諸相貌妙顯智光

云聞名至佛具足諸相願御廟同之靜照云諸根具足願真源云聞名具根願澄憲云藥師又有此願縱非別願聞諸佛功德名者諸根具足衆苦消滅必然也况於別願哉上三解文者諸菩薩者寶積經云衆生問何位菩薩答恐是住前及三祇歟未離根缺故問案法華經喜見菩薩雖入真位猶失兩臂答小乘百劫猶離根缺大乘真位何不具根沮喜見菩薩自在供養非是業報故願人天憂惱而捨

必當得佛金色之身兩臂忽生設難此願可除如此自在願樂例如必至補處願中除意樂也

第四十二住定供佛願初願意者所見土中或土菩薩事理未融事行妨定入定廢事或土菩薩不起滅定現諸威儀法藏比丘愍念定散闍礙菩薩選擇此願攝菩薩也問住定供佛在何位耶答約常途者初地已上問若余何故論註云八地已上菩薩常在三昧以

三昧力身不動本處而能遍至十方供養諸
佛教化衆生上答初地已上雖有此德八地
已上是無功用論註約之七地已前是功用
位今願望之勝劣雖殊俱具此德然則三賢
等之若薩依佛願故能具地上德焉思議矣
或通七地以前菩薩亦無違也次諸師解者
義寂云聞名令得清淨解脫三昧願法位又
云願得三昧益懼興云止觀俱行願智光云
聽名得淨解脫靜慮願御廟全同靜照云解脫三

昧願真源云聞名得定願上如是諸師多約
得定不存供佛並非所用然興師意三昧名
止供佛名觀止觀俱行以爲願體非是唯定
爲願體矣今之所用懼興義也三解文者大
分爲三初明得定次住是下明供養佛三而
不下結定供也初中他方菩薩者悲分陀利
云使其中衆生生已得善分別諸三昧廣說乃至
此約自土而云衆生清淨解脫三昧者玄一
云八解脫中第三解脫名爲淨解脫乃至又說

所有三昧離繫縛故名淨解脫已上初釋不順異譯等文謂寶積云善分別勝三摩地悲分隨利同之莊嚴經云寂靜三摩地已上此豈第三淨解脫耶次釋無失云後文中不失定者供佛之時不失定心入定之時不失定者供佛定散不妨故云不失

第四十三生尊貴家願初願意者所見土中或土菩薩於世世中常生卑賤代物不普或土菩薩常生高姓福智之家化他自在法藏

愍念卑賤菩薩選擇此願攝菩薩也若依大論三賢菩薩常生貴家謂或生王家化富人或生婆羅門家化愚人或生長者居士家化貧能利衆生若依俱舍住定菩薩百劫相始得五德一生善趣二生貴家三具勝根四受男身五憶宿命比等菩薩始離卑賤然今依詫彌陀願力大乘住前小乘三祇常生貴家遍化衆生誰之菩薩不歸命乎次諸師解者義寂云聞名令得生尊貴家願法位又云願生尊家

益慳興云化物高貴願智光云聞名死後生尊貴家願全同靜照云生尊貴家願真源云聞名生貴家願上三解文者菩薩衆者指十信等問通二門機答或理但局淨土之機生貴家者其相如上夫帝王等若興佛法國悉可隨如後漢書云吳王好劔客百姓多疫瘡楚王好細腰宮中多餓死上人專帝慮以如此也興隆佛法豈不然乎梁朝武帝和國上官即其例也

第四十四具足德本願初願意者所見土中或土菩薩未成行德或土菩薩能具德本法藏愍念其無德本選擇此願攝菩薩也次諸師解者義寂云聞名令得具足德本願法位又云願修行具足益慳興云福智雙修願智光云聞名修習滿足德本願全同靜照云具足德本願至愍諸衆生不取菩提或雖修行衆德不具菩薩自修因一度具諸度以與衆生而發此願真源云聞名具德願上三解文

皆菩薩行樂者六度行相名菩薩行修行圓滿名之爲德佛果之因故名爲本

第四十五住定見佛願初願意者所見土中或土菩薩見佛甚難如彼師子孔菩薩等或土菩薩得見佛定常見諸佛法藏愍念不見諸佛選擇此願攝菩薩也澄憲云見佛尤難三祇菩薩送若干劫只見万五六七千佛一僧祇時節實久所見佛不幾今蒙佛願力得普等三昧至于成佛常見諸佛實難思也上

問與四十二有何別耶答彼淨三昧此普等定得名旣異定體豈一彼供諸佛此見諸佛見未必供其益何同況彼止觀俱行爲體此則唯定見佛爲體故不同也次諸師解者義寂云聞名令得普等三昧願御廟全同法位又云願常見諸佛益懼興云不離諸佛願智光云普等靜慮常見諸佛願靜照云普等三昧願真源云聞名見佛願上三解文者大分爲二初明得定次住是下明見佛初文中他方菩

薩者悲分陀利云使其中衆生生已得普等
三昧悲華同之此約自立而云衆生普等三昧者
寶積如今莊嚴經云普遍三摩地悲華經云
遍至三昧分陀利云普至三昧已上名異義同
憍興云普者即普遍義等者即齊等義所見
普廣佛者皆見故所住定名爲普等玄一云
由此三昧力普見諸佛世界故言爲普平等
現見無所見故言普等已上兩師同以見佛爲
名是則從果名爲普等若從因者亦可名爲

念佛三昧依念佛定見諸佛故如首經云大
勢至法王子與同倫五十二菩薩到而白佛
言我憶往昔恒河沙劫有佛出世名無量光
十二如來相繼一劫其最後佛名超日月光
彼佛教我念佛三昧辭如有久一專爲憶一
人專忘如是二人若逢不逢或見非見二人
相憶二憶念深如是乃至從生至生同於形
影不相乖異十方如來憐愍衆生如母憶子
若子逃避雖憶何爲子若憶母如母憶母

子歷生不相違遠。若衆生心憶佛念佛現前。
當來必定見佛去佛不遠。此文至要行者
措心。

第四十六隨意聞法願初願意者所見土中
或土菩薩聞法甚希如常啼等或土菩薩隨
願聞法法藏菩薩愍念不遂聞法志願選擇
此願攝菩薩也次諸師解者義寂云隨願得
聞所欲聞法願法位又云願隨所欲得聞益懶
興云聞法自在願智光云隨意所樂聽受諸

法願御廟全同靜照云自在聞法願真源云隨意
聞法願上三解文者自然得聞者證憲云自
然得聞之言義可詳之彼土教主說法鎮無
正水鳥樹林又皆出法音音樂等亦如斯菩
薩聖衆常演說一切智指此等即云自然得
聞歟將又離此等有自然聞法事歟上今云
雖無口請雖不身往應念自在聞所欲法故
云自然。

第四十七得不退轉願初願意者所見土中

或土菩薩以退位故行願易退或土菩薩雖居退位行願不退例如台宗第五品位法藏愍念退轉華菩薩選擇此願攝菩薩_{菩薩}也佛法退失永劫悲歎然十信菩薩雖居退位乘佛願故求不退墮終至菩提豈非大慶乎問與定聚願有何別耶答彼攝凡夫而自士也此攝菩薩而他士也問與三十四有何差異答彼攝凡夫此攝菩薩不可混亂若一義意者彼依佛力三賢菩薩證入地上此依他力不退

十信故不同也次諸師解者義寂云聞名令得至不退轉願法位又云願聞名者即至不退地益憬興云加力不退願智光云聽名即至得不退轉願_{金同}御廟靜照云得不退轉願真源云聞名不退願澄憲云聞名不退之願釋尊五百大願之中最勝願也西方蓮華眼如來爲止蓋大士宣說此義弥陀擇願準之可知歟又有別義歟可思慮之菩薩行願者難發易退所謂大經魚子菴菓之辭水月陳軍

之比皆顯菩薩易退之義者也今若以種子
名不退其益猶深况位行念三不退乎比今
之所用慳興義也云三解文者不退轉者只
顯無退失非位不退等

第四十八得三法忍願初願意者所見土中
或土菩薩未證法忍願行數退或土菩薩證
得法忍位則不退法藏愍念菩薩退隨選擇
此願攝菩薩也問與次上願有何別耶答上
願意者乍居退位以佛力故而不退轉此願

意者退位菩薩由佛願力速證不退是故興
師彼名加力不退此名自力不退意云佛加
神力令退位者不退轉故名加力等佛以願
力令退位者入不退位以證不退而不退轉
故名自力雖言自力是他力益取要言之以
佛願力令證三忍證三忍故得不退轉此願
意也次諸師解者感師云得三法忍義寂云
聞名令得至三法忍願全同法位又云願聞
名得忍至不退地益慳興云自力不退願智

光云聽名得忍諸法不退願靜照云得諸地
忍願真源云至三法忍願上今之所用憍興
義也三解文者大分爲二初明得忍即是願
體次於諸下明得不退即忍用也初文中菩
薩者十信位也第一第二等者諸師不同法
位云云憍興云有說第一第二第三法忍者
即仁王般若五忍中如其次第伏忍信忍順
忍也私云此釋也此恐不然信忍初二三地順
忍即四五六地如何但聞彼佛之名得此二

忍耶若謂聞名漸次得者亦應說獲五忍故
今即伏忍三位名爲三法忍瑜伽亦說勝解
行地有下中上品三忍故上玄一引法位釋
已云今謂即此經下所明三忍謂音響忍柔
順忍無生忍是也上御廟引憍興破立文已
云今詳此判恐亦不然先住伏忍乃至順忍
聞名猶得三伏忍者有何益耶故如前解即
無妨難謂他方菩薩未入伏忍者聞彼佛名
即入伏忍已入伏忍即入信忍已入信忍即

入順忍古解意如是何更改釋乎若余已入
順忍者應得無生忍已入無生忍者應至寂
滅忍何故但言至三忍耶實應如是而不余
者應是經定存略故也又是舉初顯後故也

今又釋云此三忍者約三教位應分別之通
教八地已還菩薩聞彼佛名耶悟中道是別
接通爲第一也別教地前聞名即得入歡喜
地爲第二也圓教住前聞已即得入於初住
爲第三也然此三忍若依仁王五忍以釋同

是信忍若依圓家證道同義三位俱是無生
忍上澄憲云一二三法忍之文未得明據若
依仁王五忍者何除終只云一二三乎其義
無故歟比此中憲公朋興師破而作疑問未
述其義自餘諸師所述各異難辯是非今且
可依興師自義問若余者御廟所破云何會
通答欲知是非於今本願先可定判所被機
分若約地前地上諸機彼難實余若言唯局
十信機者興義無失然今既云得不退轉得

不退言必對退位

十信菩薩

行

何通伏忍已上諸機

若言不退之言通含位行念故無其失者此

亦不然順忍非是念不退故故興師釋其義

甚妙

云義寂云此八願隨應揔得莊嚴菩薩

四種功德如是願德因果相配雖聖教中無文誠說隨相而求理應如是既非論判未敢輒定設有謬錯智者正焉已雖有此釋自他土異淺深位別未知別屬但四十二五與前三德行相相似又四十三與第四德亦可義

類餘難配當學者思擇上來雖有四十八別
揔釋第二正說本願之章已竟

無量壽經鉢卷第四

正安第二天子閏七月中旬拭老眼清書之
留贈後見共期往生 沙門了慧謹疏

12

皇

明

書

